



Inatsisartuni ilaasortaq  
Naaja H. Nathanielsen

## Apeqquut nr. 187-iniittunut akissutit

Asasara Naaja H. Nathanielsen

Inatsisartut suleriaasianni § 37 naapertorlugu Naalakkersuisunut makkuningga  
apeqqutilliisimavutit:

### Apeqquut 1

*Naalakkersuisut eqqarsaatigivaat royaltymik aatsitassanut assigiinngitsunut atuutsin-  
neqartussamik assigiinngisitaartumik ilusilersuinissaq. Taamaassappat aalajangiiniar-  
nermi suut tunngaviussappat?*

### Apeqquut 2

*Royaltymik ilusiliinermikkut Naalakkersuisut sillimaffigissallugu ilimagivaat, aatsitas-  
sarsiorfinni qinngornernik ulorianartortalinnik<sup>1</sup> aatsitassanik piaanerni eqqagas-  
sannortut, avatangiisit illersomeqarnissaat pillugu annertunerusumik sillimaniarneq  
pissutigalugu aningaasartuutit annertunerunissaat tunngavigalugu aatsitassarsior-  
tut aki-  
liinerusarnissaat? Allatut oqaatigalugu, selskabit aatsitassarsior-  
tut avatangiisinut uloria-  
nartorsior-  
titsinerunermik nassatalimmik suliaqartut, aatsitassarsiorfinnut qinngornernik  
ulorianartortaqqanngitsunut<sup>2</sup> sanilliullugu akiliuteqarnerussappat?*

Apeqqutinnut imatut tunngavilersuteqarputit:

*Ukiuni kingullerni marlunni Inuit Ataqtigiinniit oqaaserisartakkagut uteqqissavagut:  
Royalty aqutigalugu akileraarusersuiner-  
mik ilusilersuineq akerlerinngilarput, taamaat-  
torli niuernikkut attuumaffigisagut aamma eqqarsaatigalugit ilusilersorluakkamik  
eqqarsaatigilluakkamillu suliarineqartariaqartoq. Taamaattumik kaammattuutigiinnar-  
sinnaavarput tamatumap piaartumik qulaajarneqarnissaa, suliaqartut aallartinneqarnias-  
sammata. Ilisimavarput Kalaallit Nunatsinni aningaasaleerusussusermik qunusoqartoq,  
siunissami royaltymik aaqqissuussineq ersarissuq qanorlu ittoq qulakkeerneqanngim-  
mat. Aningaasaleerusuttut sinaak-  
kutissanik ersarissunik takorusupput, soorlumi Inuit  
Ataqtigiit aamma taamatut ujartuisugut.*

*Ammaanersiorluni oqalugiarnermi Naalakkersuisut Siulittaasu-  
at oqarpoq, London Mi-  
ningilu royaltymik akitsuusiisarnissaq pillugu isumaqtigiissuteqarsimallutik. Taamatulli  
oqarnini oqalugiaat pillugu oqallinnermi tunuartippaa. London Miningimut royalty pillugu  
isumaqtigiissutaajumaartussap suliaqartut ersarissuq, aatsitassarsiorumaartussat ta-  
marmik imaluunniit aatsitassarsior-  
tussat ataasiakkaarlutik immikkut isumaqtigiis-  
suteqarnikkut akileraaruserneqartarnissaat.*

*Aamma suliaqartut qulakkeerneqanngilaq tunisassianit tunisat aningaasatigut nalingat tunng-  
avigalugu akileraaruserusuttoqarnera, imaluunniit sinneqartoorutit tunngavigineqassa-*

<sup>1</sup> Qinngornerit killissarititaat sinnerlugit

<sup>2</sup> Qinngornerit killissarititaat sinnerlugit

*nersut, aammalu aatsitassat assigiinngiaat tamarmik immikkut akileraarusiinermi isiginiarneqassanersut.*

*Paasinninnerput malillugu, piaanermi piiakkat atorpeqanngitsut (gråbjerg aamma tailings) aatsitassarsiorfinni qinngornernik radioaktivusunit akulinnik paaaviusuniittut suli avatangiisit pillugit sillimmartaarnissamut mianerinninnissamik piumasaqaateqarfiussanersut, aatsitassanit eqqakkanut allanut sanilliullugit. Taamaattumik avatangiisit pillugit sillimaniarnermik annertunerusumik piumasaqaateqartoqarnissaa naatsorsuutigivarput, ilimagigatsigu tassuunatigut aningaasartuutit amerlanerunissaannut sunniuteqarnissaa.*

*Maannangaaq kissaatigissavara apeqqutikka tamarmik ullut suliffiit qulit iluanni akineqarumaartut.*

### **Apeqqut 1-imut akissut**

Royaltymut iluseritat assigiinngisitaartinnissaat Naalackersuisut pilersaarpaat. Nunani tamalaani unammillersinnaassusilerlugit akitsuutit aalajangersarneqarnissaat pingaaruteqarpoq. Tamanna ilaatigut nunani tamalaani benchmarkingimik (ingerlatsivinnik assersuussilluni) misissueqqissaarnerit aamma suliaqarfimmi immikkut ilisimasallit ilanngunnerisigut isumannaarneqassaaq.

### **Apeqqut 2-mut akissut**

Aatsitassarsiorsinnaanermik piaanissamut akuersissummik ilaalu ilanngullugit qinuteqarnermut atatillugu, piginnaatitsissummik pigisaqartup ingerlatap taamaatinnerani sanaartukkat assigisaallu piginnaatitsissummik pigisaqartup pilersissimasai qanoq iliuuseqarfingeqassanersut pillugu pilersaarummik nassiussissaaq, kiisalu sumiiffiit ingerlataqarfingeqarsimasut kalluarneqarsimasullu qanoq qimanneqarnissaannik pilersaarummik (matusinissamut pilersaarut) piginnaatitsissummik pigisaqartoq nassiussissaaq.

Sumiiffimmi sanaartukkanik ilaallu ilanngullugit, matusereernerup kingornatigut avatangiisinut, peqqissutsimut imaluunniit isumannaallisaanermut tunngasunik patsiseqarlutik aserfallatsaaliuinissamik imaluunniit allatut iliuuseqartoqarnissamik pisariaqartitsisunik qimatsisoqassasoq pilersaarutaappat aserfallatsaaliuinermit iliuuserisassanilluunniit, taakkuninngalu nakkutilliinissamut matusinissamut pilersaarut pilersaarutinik imaqsaaq. Piginnaatitsissummik pigisaqartoq saliinermit nakkutilliinermullu ataasiakkaartilugit naatsorsukkanik aningaasanik toqqorsissaaq. Pilersaarutip piviusunngortinnissanut aningaasaqarnikkut qanoq ililluni isumannaarnissaanut matusinissamut pileraarut nalunaariissaaq.

Matusinissamut pilersaarut aningaasaqarnikkullu qularnaveeqqutaasoq aatsitassarsior-nissamut akuersisoqartinnagu Naalackersuisut siumoortumik akuersimassavaat.

Inussiarnersumik inuulluaqquillunga

  
Jens-Erik Kirkegaard